

黃鵠山人詩初鈔

黃鵠山人詩初鈔卷十三

閩縣 林壽圖

古今體詩八十九首

霞仙約南歸同遊衡山 乙丑

虞舜久野死蒼梧雲正愁靈均亦竄溺湘水風易秋劉侯
貶官不挂眼散髮欲去弄扁舟自言鄴侯讀書處懶殘餘
芋饑可茹七十二峰祝融高天雞纔鳴海日吐火維荒怪
領眾妙灑落期余作同調人閒平地魍魎多塞蘿無恤山
鬼笑

雜感八首

京國自懷別江湖思息機一官作計左三載食言肥腐鼠
遭鵬擲慈烏避鵝飛勞人念將母端不做初衣

馬骨臨邊瘦無能絕足馳史憑公論著官豈至尊移

捧日懸霄漢繁霜屆歲時已羞彭澤宰閒過菊花期

相見非官長攜雛本厓秦足音故人喜情話外家親同年梁頤

臺侍御云君官此吾輩未敢相訪今鄉人厓也可往還矣黍熟烹雞易花深吠豹頻家婦

童關自是戚屬始得聚談始知疏濶意束縛是冠纓

出郭攜朋榼蹠輕輓草香殘虹楓葉雨初日柿林霜更覺

冬山好焉知歸路長城中冠蓋閑持與較閒忙

朝士今無恙西風數寄聲易闕田園酒難釋楚秦兵說劍

心非壯看書眼不明徒煩汚削簡久欲乞還耕

手版新亭免衣冠怕走趨朝參憐更懶世累暫須祛放眼
雨邊雪滿顚添白鬚婦曾儲酒待醉倒倩相扶

禮樂元明備潢池奈弄兵儒巾拋篋笥戎服盛麾旌獻璞
君看足披裘昔變名況逢對神鬼賈誼負蒼生

聞有還朝

詔天高詎我梯

奉內召未赴

青冥安鷁退碧

樹任鸞棲北極瞻星斗西征疊鼓鞞商山採芝徑來往不
曾迷

呂曼叔

夢係

郡齋唐碑宋畫次韻

墨妙亭荒八百年百縑十石手親編恍逢莘老談禪悅藉

與坡翁慰謫遷東海煙痕縈袖裏南山雪意逼尊前從今
了卻公家事萬里浮鷗水拍天

吳香輪女史

規花卉册

染青出藍師三松徐熙黃筌排媚同塞垣風雪百卉死何
以絢爛迎春風筌昔父子妙江左熙略用墨尤絕倒斟酌
兩家濃澹閒燕瘦環肥爭婀娜須知荆布夫人粧竹籬茆
舍宜山莊華筵姬妾競歌舞妖豔祇博豪奴狂北方園客
工藏窖非時燠灼羣芳鬧香輪狡獪五色毫花下索價不
敢高我似洞庭乞如願開門大笑非蓬蒿

約遊終南山用孟東野韻餞于壽同年

跳天蹠厚地盤硬勢橫生塞秋雲晝溢倒海日宵明外秀
互內裏上峻紆下平目睨託憺惘魂飛造高清查子寡真
賞好奇亦近名

始食漢南柑橘

官私但有一囊粟不能買置千木奴遠思黃染洞庭霜浮
漢東下天吞湖狂氛蔽山遏嶓冢三年跡阻青鷺鳬玉露
凋盡金井梧茂陵病渴疏酒壚武皇賜漿不到口插斗高
捧銅盤孤平生未遇董元素微風入簾香有無每延簪紱
設茗事辭甘受苦乖良圖漢川紫包昨餉我滿堂結霧噴
獸鑪胸中初栽萬梨棗餽飮欲罄金盤麤心知一盡不復

得小復儉之分妻孥

用南史范雲傳李彪語

九州屬禹再入貢西有

秦蜀南荆吳薦新歲歲及送臘此物雖小登神幙朝正想
會芙蓉闕罷讌攜博細君娛遠臣紙上三百顆下筆右軍
供臨摹使天許比銀青壽顏色何止十年腴終當趁此齒
髮健竹舂歸向江鄉鋤

輓馮魯川觀察

丙寅

交拙老無新道遠書輒左塊余形篋獨祝汝身安妥往時
磨盾手憶共踞箕坐渡江憂白楮夢雨斷青瑣淮陽縱劇
郡卧治靡不可疏聞遷一官棄外條及我虛聲誤蒐獵戎
事各韞鎖年來邊報急地下故人夥干戈瀆涕洟纓冠絕

唏歔跡任死灰滅魂隨破甌甌祇望皖公山健存慰衰情
移書伸酒戒戕性迺自禍空餘漚古血六籍盡包裹冥會
今幽阻醉辭昔叢脞不材荷天年吾其爲碩果

被命馳赴慶陽軍營感述

地勢盡三秦 皇威憑一劍慶環形勝在韓范勛名欠
列城未堅壁頻年說苦戰首功何纍纍四野紛傳箭奴僕
奮鞭笞顧盼身無賤焦爛儼上居突火自鼓煽頰尾皆魴
魚切繪供細嚙網羅郡之餘脂髓竭旁縣問賊所去來病
瞽眾無見膚奏潮用師慘澹開生面十事達二三已勞

帝深念冗員先簡汰健卒要訓練朗然日月照萬里銷

雪霰此行但奉

詔風氣足丕變上馬看捶鉤技未毫

芒擅父老忍春飢桑供蠶食徧

咸陽西發

六崗猶自象爻辰形勢咸京昔罕倫浩淼關津通隴蜀青
蒼陵樹失周秦陳濤事往餘殘壘渭水春寒沒釣綸莫把
犁鋤換弓箭任從村落長荆榛

醴泉道中雨

春雨補冬雪天公當破慳縱橫幾龜圻塗抹九螺鬟雲氣
唐陵出風聲漢時還征袍甘透溼休任懶龍閒

望梁山

宮城何代倚嵒薨苑戶祠官竝寂寥三月鶯花千古恨五
更風雨百靈朝橋山弓劍疑黃帝昆水旌旗近絳霄不料
霸圖銷歇後又經劫火土成焦

宿永壽驛館

雪後嵐光放塔巔看山未飽抱山眠橫安一榻屏風下高
壓寒衾夢洞天

尖風夜緊武陵山吹墮青天半玦環貪弄蟾丸先鳥起不
知行路是忙閒

分水嶺

雨汜輕塵雪作泥春風不到穆陵西嶺雲凍合東西嶂澗

水平分南北，溪地近邊關。
寒落雁村荒，陶穴斷聞雞征塗。
愴讀黃門賦，雙鬢繁霜攬鏡齊。

邠州用李西涯韻

雞閭故里訪幽風，陟嶽流泉竝眼中。
近古農桑王業遠，累朝戎夏霸圖空。
六州都督羅胸甲，十郡良家奮首功。
莫漫營屯迂上策，省臺坐議有羣公。

過明岨山水簾洞

水木闌清響，盤雲樵磴紆。
流泉古幽館，飛瀑小匡廬。
鼯鼠偶出沒，蛟龍深有無。
子遺兵火後，桃李漫山麤。

登慶壽寺佛閣

遠峯吞落日浩蕩渭川開
洑納眾流勢偏土峽迴飛臺
插河漢星斗低昭回萬籟
盡暗啞暗轉秦地雷僧鳴
景泰鐘導我凌崔巍中有法
王象高坐蓮花臺佛臍出
泉氣鬼手成石胎本無眼
鼻舌爾許身何來
石佛高八丈五尺
唐貞觀二年造鄂
國晚好釋韜晦撥亂才生
逢龍準英奚畏蛾眉猜未
造邁多難四大獨悲哀浮雲
變蒼狗滅沒輕塵埃功成
鑄范蠡扁舟剡蓬萊

長武

日落鵜鴒原長虹繚塞垣
懷恩昔倡亂回紇此營屯
汎水諧聲轉

汎字假音入聲緩讀爲邪亦爲邪也

宜山學字蹲

山似宜字

書生事戎馬

西度古寒門

同宮保尙書楊公登涇州城

自昔建牙地曠懷韓范賢鳥聲春弔古山色遠臨邊壁壘
依荒堞旌旗帶廣川中興資上將禡袴請隨鞭

朝那故城

崆峒明霽雪西照古朝那雙峽雲飛動孤城水盪摩降王
須款塞都護欲臨河小麥幾時熟王師且枕戈

涇原道中讀史雜詠

緣邊置雄鎮朔始太元年關塞猶形勝人煙極渺然

自失橫山險時聞勅勒歌入關空百戰嗚咽隴坻波

將軍多隆

河解同州圍時有上策請馳扼
涇原勿令逆獮踰隴者不能用

專征列上將優詔出中書胡爲神武軍恥復隸哥舒
漢馬雜蕃帳謂與北平匹刁斗獨森嚴賢哉程不識
肺腑森戈矛帷幄自樹敵請解轅門條分幟往殺賊
手梟三逆賊功數李西平竊鉤與竊國誅賞固分明
匈奴久未滅壯士何爲家慷慨別妻妾兵氣揚瓜沙
轉餉上霄漢絡盤鬱嵯峨安得巨靈掌劈山浮江河
崔嵬米麴峯腹枵不得果遠想盧祖遷權謀出飢火
草檄喻西域玉門徧傳烽獨悲杜陵叟拔劍倚崆峒

聞曹盡臣軍門

克忠

收復洮州

蕭瑟臨洮水頻年戰馬悲何期秦屬國復覩漢官儀上將
黃鬚勇全軍赤幟馳岷山懸萬仞高勒紀功碑

瓦雲驛

往時禾黍連高原千家未有十家存可憐唐代一株柏雲寂
寺中舊有唐柏亦化死灰不復溫田廬未安丁壯出刺史今無房
次律且憑虎豹守天關寄語移師莫倉卒

望見甯州郭

漸與人家近臨流古渡呼扁舟橫日暮疊嶂壓城孤風定
墟煙直春和野水蘇及時先扼守村落未全蕪

合水驛

鬱鬱橋門樹常棲太古雲華池渺東望眾壑向西曠地僻
民無懦年荒吏寡文邊亭猶列障努力事耕耘

板橋鎮老叟

七十板橋叟餘生賊所貽妻孥遭殺掠老邁獨寒飢忍淚
見官長從頭說亂離當年牧犢子同爾感羣雌

橋陵

黃帝騎龍去不還武皇駐蹕尙荒山祇應巾几銘無數誰
見冠裳葬此閒日落蒼梧丹鳳遠風呼金粟石麟頑何須
訪問崆峒道五利文成類等閒

初抵慶陽

插雉高峩雲寒光格鳥翼昔賢十萬胸中兵排列尙嫌牆
垛窄參衙具版吏欲干按戶派丁堵不百但賣川水莫賣
漿漿費米薪水汲得賣漿賣水皆抽釐金不辭民少苦供官盼官與
民多殺賊賊窺西峰鎮官軍驚竄匿賊退驛馬關官軍報
斬獲年年黑子留孤城出入鳴鉦擁畫戟來者詎是范大
夫故官烜赫新弗如有車一乘僕三四更無弩矢爲前驅
禦戎於野不於市此輩擾攘胡爲乎尉繚子公孫苴西家
琅琅讀兵書低頭捫腹一卷無黑狐據城虎上屋天陰啾
啾慘鬼哭

題李獻吉集後

凌蹕名爭七子先風流宏治最誰賢扁舟同送湖湘客杯
酒邊何兩少年

雉兔從遊梁宋閒繁臺結俠遇方山微吟落葉寒聲動一
夕西風共掩關

鸞鳳凌虛馬脫羈漁洋妙諦自評詩絕潢斷港求滄海未
見危湍出峽時

謫仙誤識永王璘後有宸藩作記人在自鄒枚侈詞賦梁
園歌舞散珠塵

曩怪吾鄉鄭繼之呻吟學得少陵皮慶州夜讀空同集邊
馬蕭關插羽馳

驚池洞

驚去池猶在凭高意豁然雷聲起太白雨勢滿東川飛閣
含羣動連峰赴暝煙殘碑荒不窟應問鶴歸年

初聞蘭州警懷鍾伯平同年

啟岫

西更崆峒遠傳聞定是非楚軍皆殉國羌卒亦呼飢黑夜
流金矢黃河浴鐵衣不知鍾記室萬里可生歸

出慶陽郭夢得人影十四字醒見山閒桃李盛開足
成之

筍輿扶夢曉淩風磴道盤旋磨蟻同人影松杉煙近遠春
聲桃李鳥西東一官隴樹蒼茫外三月秦雲窈窕中射虎

雄心空自許幾經鞅掌卽衰翁

驛馬關

曉別鳳皇城霄懸驃騎營關門雙峽峻鼓角五更晴大樹
將軍蔭中山異代名誰能繼前武邊徼未休兵

西峰鎮口占送官保公還蘭州余亦回駐西安

殺醪醉非酒挾纊溫無衣蠻語南叅軍未解人寒饑馬跼
四蹏心奮飛長繩繫日駐西馳煙塵起今前阻長城之壁
壘波瀾惡今後蔽黃河之旌旗議攻墨翟守泣悵楊朱歧
公能推心置人腹功成不在多殺戮

渡涇河

幽谷荒今古涇河浩暮朝長愁山疊疊不盡水蕭蕭
橫撐艇丁香靜過橋偶然見行客弓箭滿懸腰

長武道中立夏

菜花黃時蝴蝶飛隴麥青青野雉肥晴日暖風相遞送陰
槃原上放春歸

制府以叛軍入告余知其飢也奉中丞檄往撫之先

寄示統領譚軍門

玉龍

宵旰廛西顧嚴頒斧鉞誅涇原共休戚韓范要匡扶動色
元戎疏聞聲義士吁戴頭成寄項搔癢誤傷膚親上難爲
叛逃飢忍厚誣請憑三寸舌與定一軍呼噉雪秋藏窖飛

霜夏踐塗命償掘穴鼠聽類履冰狐未飽鷹峙臂無機雀
可舖安危爭頃刻談笑幸須臾自我官移隴於時盜竊缺
年年驅轉戰事事淚沾濡報國期君等憂時謬腐儒壯心
酬裴革前恥洗銜鬚義志君臣鵠恩懷子母烏譚有凌煙
老母
圖像者不是浪捐軀

裴晉公故宅

第五岡巒佳氣終門臨畢郢向秋風猶珍金石韓從事誰
竝勛名郭令公泉石亭臺荒綠野枌榆星社近新豐咸陽
原上頻迴首百戰河山夕照紅

醴泉驛唐顏忠節遺處參軍擒賊將何于軍處

官家先不識眞卿詎識平原太守兄罵賊常山終不死至今聞道說奇兵

行次唐乾陵

三世唐天下中原帝婦人龍顏工斌媚象設擁隣响變革
官家局遭逢歷數速一時鸞鶴控萬國冕旒新周室長都
洛咸京舊繞秦青宮遲復辟元武賴清塵仍議山陵禮如
專禁苑春承恩同穴地怙寵上陽身輕棄宗祧重空勞櫛
沐辛雉奴誠負負麟趾異振振壺範疏帷簿朝綱預縉紳
陰精森見畫牝唱老司晨罔念佳兒語翻緣此獠瞋守成
付屏主顧命幾忠臣光宅頒丹詔鳴珂肅紫宸一坏猶吞

鋪七廟已郊禋鸚鵡夢何晚獅驄制久馴艾豬生不怍陰
鷲固無倫駕馭歸賢相迴旋運大鈞玉衣今罷舉金寢宛
相親王會圖酋長靈風動鬼神武功藉餘烈文采照紛綸
我自昭陵至還欣內史鄰色荒永垂誠述聖恨貞珉

撫飢軍竣事至醴泉驛被

命赴鳳隴會師

書生祇有口舌功初未伸臂學關弓

詔令邊將與措

置坐論遠愧游師雄關山秋月冷無色烽火照及摩笄紅
擁兵觀望秦楚蜀吉林馬放八尺龍旬日不戰恐訶責紙
上著筆常山攻建旗樹柵更相笑客主出入面不逢賊奴
狡黠得伺隙朝暮攫取如狙公帥符詰問勢深入藉口楊

腹搜危鋒緣邊搜括不擇地據險遮邏皆摩穹此時飢餒
當在賊賊乃捆載騾馬空牒書下州州下縣牲畜擄盡丁
夫供中途刼殺屍棄野寡其婦女獨父翁饋糧刼寇請分
任大將瘖啞裨將聾但須寸簡罪牧令安用尺箠笞羗戎
計期驛遞又奏捷爵賞弗吝宜汝豐昨聞西兵願當敵讒
之幕府疏其庸鄉隣赴鬪義弗協同室不合羞自蒙持功
驕蹇到今盡用師節制豈古同武功太白北跨隴曠五百
里斷行蹤殘骸毀齒有未拾野狼食之成飛熊少年讀書
老作吏政以悲憫膺困窮封侯自昔忍殺戮奚怪白骨堆
蒿蓬繞牀不寐至明發轡首西接搖青鬃經過五時想霸

業同袍與子歌秦風

美陽城

不斷青蒼色
雍原雨半晴
蕭蕭臨武水
沓沓近秦城
山作長虹勒
雲如飛瀑橫
洞天有譏察
鼓角莫輕鳴

索姑祠

白馬青絲拂澗阿
送迎奏曲舞婆娑
湄洲島嶼娥江水
天上神仙孝女多

絳帳村

初謝舍人召安知
拜議郎據圖宮慷慨
園妓漫豪狂經學
傳盧鄭才名誤鄧梁
只今尋石室山鳥助笙簧

贈扶風豪士

相逢馬上揖笑入酒家樓樓對南山色門臨清渭流高歌
擊秦缶半醉看吳鉤名與春陵亞黃金散不留

法門寺

元和天子聖高慕永明風阿育存秦國昌黎姬禹功經幢
蟲螭石梵塔鵲盤空惟警蒲牢響能開萬象蒙

織錦巷

明月照流黃文成鏡欲霜才華如謝女天壤奈王郎
臺畔青青柳鶯梭日幾迴將持縑比素知愧趙陽臺
橫渠張子故里

爲政法三代讀書求六經儒風未銷歇橫水獨清冷余志
關中學潛心座右銘談兵誤將老無術拯生靈

棋盤山武侯祠

初披短後曼胡纓駐馬閒尋漢相營慘澹青山荒戰壘指
揮白羽恍塵兵抗懷伊呂酬三顧空望高光業再興憑藉
神靈扶統緒連雲關隴滿旃旌

落星灣

樓閣窺鄒塢綿延五丈原大星流不返斜水咽無言氣數
三分盡孤忠兩表存前山風雨黑猶指陣雲屯

題鳳翔府蘇文忠公祠壁

驂鸞駕鶴歸仙班仙跡游戲落塵寰殘詩賸畫光照壁赤
氣高竝終南山山連蜀棧極秦塞昔別峨嶂來躋攀鳳池
掬得萬斛水開堂築亭臨浚潺初從州縣與賓佐五曹一
判心自閒左遷遠謫無不可吏其仙矣仙其頑至人去住
不留滯偶如浮雲任往還吾知褒斜汧渭公之精神未戀
此逝將乘風馭氣追之蓬壺閭苑青冥閒

隴軍告捷

雙旌未踰隴驛路捷書飛川竭魚龍偃山空鸚鵡飢搜村
徵賊數畫境識戎機帷幄紆籌筆何時報合圍

譚軍門以飢軍三營至鳳翔與犒一餐是夜報奪上

關寄呈劉中丞

不忘一飯韓淮陰事漢甘擲身千金譚侯席幾亦若此設
疑潛襲再見今飽便如虎飢如鼠冀於死地謀活汝神峪
渡河天五更拔幟樹幟燃列炬中丞盼斷關山塵先經霞
仙中丞
素子免死效力贖罪捷書奏 帝知回嗔此軍敢戰一敵萬惜哉
一千五百人

蔣薌泉方伯

益禮

寄札喜交王定甫及其筆札之美

聞定甫決計歸桂林矣感賦

把筆老猶動天下矯如病鶴骨峻嶒右軍餘事揮毫擅太
傅賢聲結襪增落落酒杯交未晚茫茫梁月夢何憑粵山

路與吳山隔，悵隔秦山更萬層。

汧陽

羗騎飲畧谷如驚，蹴渭河機槍星不埽。箭筈石空多已罷，
耕爲戰徒聞敵請。和瘡痍加拊恤，縣狹漢喻麋。

草碧灘

亂後稀村店，沈寥風滿林。遭兵甚逢賊，夏末似秋深。峽轉
藏荒谷，灘寒起夕陰。艱危無建樹，滋愧濟時心。

隴上述懷五十韻

井鬼占星野，山河拱帝闔。羗氏西接軫，關塞代揚塵。
開府追韓范，提兵合蜀秦。乘時除暴亂，拜詔值宣仁。

會擇中書省

朝遷汲黯臣猥曾封赤縣聊見走黃巾

威奮瞻韓地軒昂躬下身安嫺能策敵建樹固殊倫經緯
兼文武遭逢異屈伸旄頭猶倣優鶉首望逡巡撫慰瘼瘡
起凋殘氣象新誓當殲獫狁羞浪畫麒麟萬里長城在三
年清渭濱青雲徒附驥碧海忽傷鱗屈子時懷楚虞公欲
入閩大江通汴泗暮雪阻關津 帝迺思司馬民爭借

寇恂恩波深八水銘鼎煥千春銅柱扶西極觚棱遠

北宸介推偕母隱令伯得情陳謗議存朋黨艱虞到古人
憶披范滂傳道契李膺鄰織貝讒初雪投醪託有神不才
隨顯晦再仕忝宣旬舊國空棠豸荒陲滿棘榛赤眉氛尚

熾朱泚警何頻慘澹防秋壘倉皇鬪將辰叢巒甘累旣烈
竈冀抽薪未盡駑駘力俄欣虎豹馴千峯蒸暑雨五月騁
歸輪芮鞠烽煙急岍岐道殣臻臨邊憂反側轉旆向嶙峋
諸將成功易蒼生劫運屯中樞遙控制外閫各紛綸漢中鎮總兵蕭慶高報獲大勝賊崔三等遁走全境肅清
關擾及神峪河深入隴州腹地錯蒙持假節敢妄逞搖脣部曲平生昧閭閻子弟親
襁帷加勞問溝壑徧吟呻釋甲安無戰吞舟漏有因春陵歌退賊夾漈繪流民前敵鳴鉦鼓羣公領縉紳
願毋猜絳灌期與戮恩循廉藹聞於昔孫吳律必申精靈騰寶劍肝膽鬱輪囷忠信非求諒行藏自率真酬恩元鹵

莽憫俗抱酸辛愧亦參戎幄祇宜代算緡祖劉同唯唯伍
噲學閭閻 聖主煩宵旰余生慕隱淪迴腸登隴首嗚
咽竟昏晨

夢遊龍門洞

上界鸞凰假我騎長春宮殿鬱屢屨昨逢玉女鋪瑤席招
與星官會鐵碁六月火雲蒸不到五更晴雪夢來遲蒼蠅
下土翻相笑紫府何因得再窺

開元寺

近郭少佳勝名區訪漢唐流亡僧改俗兵火佛逃荒水展
雲天勢烟浮草木光空資龍象力人代有滄桑

雨中夜坐

神峪河頭聽夜雨不寐屢問營門鼓蛟龍掉尾捲長川欲
與兇鏖洗塵土隴山風物殊不惡但多鸚鵡畏言語重城
嚴閉已棲鳥複幕寒垂甯穴鼠軍書堆案一尺高樺燭吐
花三寸許枕戈健兒當入夢往獵圍場殺猛虎跋扈將軍
擁重衾恨到窮州斷歌舞亦有呻吟髀肉生鎧甲坐愁蟣
蝨腐沈沈賊帳阻重壕定聚篝燈謀擄取羸知邊計類瓊
廬未敢申詞觸節府銀鞍繡袂新鑿䟽衣被甚好馬負汝
青門故侯舊瓜疇抱蔓摘花歸可數請纓思繫頸猶延按
劍遭噓首且俯壁蟲向溼苦相捱大東小東弄空杼

遊景福山不果

渭河蟠長蛇雲霧晝噴薄秦嶺翼飛鳳日月勢偃落茲山中
砢礪水善石弗惡眾壑崆峒爭三峯太華削靈秀奪回
宮挺拔敵吳嶽於夜奏笙韶其上翔鸞鶴郁彝登周原汭
隄表岑巖戎事方倥偬塵累遂拘縛徒傳重陽輩曾赴羣
眞約還丹鍊苦晚凡馬力恨弱荆杞滿千村鷺鳴亂萬幕
突兀空招人巖樓負冥漠

隴山月夜

銅馬賊猶在鐵衣人未還秋風獨隴水夜月冷關山刁斗
千峯競戈鋌萬帳環團圍兒女夢祇益鬢毛斑

謁吳山廟

秀拔三秦外高標四鎮中長庚千象緯太乙協神功
矗立孤雲表昂瞻二華東阻關開奧窔扼塞閔元宮
鼓盪森羣動清虛切太空風雲盤鳥鼠日月浴魚龍
峰茁金莖秀班排玉筍同宅西分輔佐拱北抱穹窿
在昔燔柴典惟靈配嶽崇五星奎聚宿八卦兌成終
灝氣符真宰威儀炳上公巡方今望輦效順代呼嵩
周室因殷禮虞廷正秩宗地祇從此肅福祚固無窮
大澤弦蒲白新秋珠樹紅一筇入蒼翠萬笏獻昭融
左右石相捍陰晴燎半烘尊嚴山有體呼吸帝時通
都護將銜

命

適

命西安副都統補行祭告禮

仙人會鞠

躬長資呵叱力暘雨贊和豐

隴州詠物詩四首

蟬

寄託在高曠翻遭俗耳驚千崖集秋氣萬木奏商聲歌有
楚騷逸言如晉代清涼因發幽滯天籟自孤鳴

鷹

隴山紛燕雀稀見海東青天地向空濶煙雲扶杳冥平蕪
一睥睨凡鳥幾羶腥不羨金絲寵飛騰繪爾形

蠅

霜露能幾日驕陽愁未過舊家談柄少下士笑聲多附熱

冰難語完貞壁不磨營營今遽集弔客奈君何。

馬

曾備天閑選驅爲塞上行沙場餘猛利麟閣後功名亦有
駑駘品怯聞金鼓聲將軍加顧盼意氣倏驕盈

庚申秋以海舟載書寄存漳州驚聞城破書燬

二十年前薄俸儲家人訕笑我癡愚暴經一炬羸秦火散
盡扁舟米黼書子弟賢當收萬卷老夫心幾瘁三餘更傷
城破親朋盡白日昇仙挾蠹魚

黃鵠山人詩初鈔卷十四

閩縣 林壽圖 歐齋

古今體詩六十七首

秦穆公墓

丙寅

秦伯上青天一觴醉七日白雀授仙書碧雞化靈石汧渭
非子封牧養久蕃息金鼓賜西征勢已成蠶食投膠歎疲
河宰馬奮奔壁霸業古羞稱猶自得士力懷哉一介臣暨
彼百夫特豈謂秦無人獨贈繞朝策亂命違經常效死表
臣職梁邱與安陵論世嗤竄識識留公孫支翩然返帝側
相從聽鈞天府視塵海隔黃鳥何足哀日澹白楊色畢原

荒周陵王迹從此熄

鳳女臺

笙簫聞奏翠微巔鳳去臺空傍橐泉粧鏡飛雲丹粉盡無
因迎贅沈中涓

卷阿謁周公廟

回匪搆亂像遭燬今東西二殿祀太公召公者猶
存

陟岡曠囑鳳遵渚渺飛鴻峙彼卷者阿宛見鎬與豐卜年
八百祀稼穡溯宮功放牛歸馬後禮樂變幽風見知望及
夷嗣酋述先公獨尊叔父親制作大姬宗昔爲案邑地今

闕文憲宮吾襄不復夢飲泉問窮通

廟東北十數步泉名潤德以消長占豐歉

代有飄風時南來零雨東其濛
蠭蛸挂網戶蟋蟀鳴秋蓬
往者兵禍始辛螯來莽蜂至今鳥拚飛高樹多桃蟲公歸
恨無所哀繡堂廡空山農報功德歲晏牽豨獫

東坡遠愛亭遺址

坡老鳳翔判於今七百秋孤亭翼飛鳳短笛遇騎牛客有
岐陽役晴天載酒游江山罷清眺欹枕夢巴州

伏波村

甘載羗蠻轉戰遙五谿瘴癘壯圖銷功臣畫像誰當補烈
士英魂我欲招謠詠偏遭侯豈等侑形早識子陽驕少游

款段堪追憶故里祠荒酒孰澆

班家臺

萬古蘭臺令安知款塞功談遷同史學弟妹並才雄仙歸
懷東觀權門悔北宮道逢挂牛角長嘯引悲風

武功道中憶康對山

郭杜沂東山水幽微官不負作秦遊康王樂府無人會頭
白江南郭小侯

琵琶恥學王摩詰撾鼓狂如禰正平二百年來同調寡武
功山色我將迎

武功館驛題范亭墓蹟後

點蒼山下武侯祠記和韓歌贈禹碑今日雨牕橫太白墨
雲上壁拂蛛絲

昔年片紙其藏收戲備楊雄死後搜猶有元亭奇字在不
題名姓識君留

馬嵬坡懷古

貫酒平陵小市東海棠無復媚春風祇餘七字香千古雲
想衣裳花想容

密誓他生讖語悲馬頭宛轉會無期驪山不自誅褒女猶
是開元納諫時

羯鼓聲催蜀道開金鈴夜雨爲誰哀天生絕代傾城國助

展中興郭李才

年年寒食墓門關時有游人弔玉顏
春雨梨花能解語不煩海上訪仙山

姊妹承恩逝水徂鴉鋤誰與築寒蕪
曉風殘月陳倉道會見蛾眉策馬無

千秋青史辨貞邪每聽晨雞感索家
不及采蘋饒豔福清泉香土伴梅花

天寶殘綱點墨鴉白頭宮女捲蓬沙
將軍背有韓擒虎狼藉臙脂惜麗華

颯颯松風逐雨來唐陵西望掩莓苔
漫勞羅襪憐薌澤玉

匣珠襦盡刳灰

飛龍務

渭水通沙苑開元置牧監一時龍在野萬古馬空凡行地
騏驎失荒年苜蓿芟時危安致此應贈紫金銜

次韻和劉霞仙中丞病中不寐招子壽太史衡山讀
書長句余詩異旨反招隱之義也

臨西風發商歌夢魂明明識歸路不見衡山愁若何紫葢
直上朱鳥摩七十二峰秋色多下有鄴侯讀書誅茅之屋
宇中有少休撫琴動響之巖阿側身欲南往太華橫大河
日慘慘兮雷雨冥冥兮煙蘿橫笛鶴背不可以徑度九

疑黯黯瀟湘波新霜入曉鏡落葉振夜柯誓言婚嫁畢
向枉從芋火思頭陀吾聞峒嶺山尖樵夫牧豎跡不到玉
書金簡未易人研磨夏禹偶披覽里門不返過拯飢救溺
神所福膏肓泉石無療民疾病同時巢許輩契稷殊白科
後賢耕莘釣渭不遑老乃知龍羞歸鉢蛛絲窠還公衡嶽
吟聽我華山哦三峯劈立摧岷嶓黃河觸山走盤渦誰正
維柱扶傾頗我皇手把天地戶下釣六韜加網羅希夷騎
驢發大笑往告玉女攜星娥請君斟酌北斗之元氣噓吸
秦地起瘵瘥故山芝草猶未茁寶甕先助朱顏酡

次劉中丞長安秋夕不寐韻

病肺嬾不佳支燈照末幃勤民廢寢饋張眼不展眉雁從
衡陽至聲帶金風悽離憂滿薜蘿上挂猿鶴唳寄書附雁
去秦川寒色淒安得萬剪刀關塞同授衣

次劉中丞秋宵獨坐望月韻

舉頭月當中羣動盡歸寂夜半見天心清暉無障隔遊神
嫺皇初嵌補綢爛石昔春今過秋閱世風籟疾高空自在
行幽懷契遙夕蝦蟆欲上騰哆口恣求益

次韻劉中丞八月初一夜醉後紀夢

巖壑窈窕煙微茫陶夢初入夜未央銅鞮罷唱接離著詎
是山公挽葛強漢江孤艇接秋色櫓聲如雁滄波長荆門

不遠郢樹白洞庭已渡君山蒼張良有待訪黃石鐘權何
地開丹房捫參厯井豁雲霧覆檐繞屋披杉篴玉京清嚴
備官府北斗朝帝鸞珮鏘散仙洞天自閑適活世尙訂龍
宮方是耶非耶此兀坐開眼照見東搏桑人閒萬態有變
滅委運不異燠與涼從之學道制蛇虎渺矣排空翳鳳凰
覺來兜羅澹平野袖拂汀洲蘭杜香公誇夢境詩示我欲
小四海超八荒我詩箇管入蚓竅我夢茶鼎馳羊腸角根
隄維了不辨神縱欲誘難爲狂酒船萬斛借浮拍暮稅予
駕壺公鄉

劉中丞中秋日贈詩索和自述所得以相嘲奉酬四

章

抱玉懷珠世弗識持獻匠門求別識五都之市匪不收剖
璞刳蚌竟何益君不見明月在海虹在山波斯望氣斗牛
間

春林組錦媚晴昊秋蟲織絲噫寒草眩視惑聽能幾時木
落山空天貼妥君不見此時郭象注莊周廿五篇寄逍遙
游

輓船沂峽九牛尾寸步津梁負萬里絕塞風雲苦未通出
日入月甕盞裏槎客來支機袖裏星辰歸黃河浩洶不在
眼親見宿海濫觴微

四十五日冰輪滿玉兔搗藥功未半嫦娥攬轡已飛霜天
雞無情忽將旦正如麻姑見桑田方平笑之猶少年青天
碧海秋萬古眾籟成聲可管絃

出師書所見

獵獵大將旗盛有負弩驅逐迤循南山斜向藍水踰賊兵
在華渭大道長安趨帥府昨出令奇正法相須點卒四五
萬按籍皆偉軀步與騎雜還徑狹行盤紆出郭十里半捉
丁補闕虛沙內久習賊膽氣諒豪纍三暮達驪山主帥顏
色舒會當一戰勝鼠輩徒區區請載百戰酒往餞爾長途
中有秦庭血飲者泣沾濡飛鳥不能翔斂翼歸視雛書生

昧將略頗聞古孫吳定非齊王門不到客吹竽如何蹙頰
者羽旄歎路隅

送彭仁山副戎

體道

出屯華陰

丸泥不封古函谷秦得百二擁虛名且驅澠水暮潼水萬
蹶蹴踏迷沙塵前軍願戰不願守戰可逃死守無生哥舒
棄甲委在野黃河未冰狐敢行大府智略劇驚人步卒當
騎先三營眾皆咋舌獨攘臂誇道我卿膽包身急馳桃林
扼要塞少能勝多兵貴精奮然鼓勇拔趙幟不則嚴仗完
燕城我卿精誠動神鬼昭陵金鐵夜有聲岩堯三峯況翹
首旌旗曉色蓮花晴

灞澹之戰甚其敗者曰各軍覆焉又有奏蕭總兵罵賊不屈死皆失實也紀之

灞澹二橋界五里搯橋設伏官軍死張繖擁轎蕭總兵德狐裘貂帽孔雀翎在戎未慣著戎服意氣亦以驕敵人摔髮落髯剝其衣剖腹視爾何肝脾嗟爾一死不足惜惜不免死屈雙膝同時死者三千人灞澹之水血流赤

於霞仙中丞處讀湘鄉左公論西事疏喜聞將抵潼

津丁卯

南斗戴天高西征犯暑勞卧龍騰渭水秣馬報陳濤三策紆籌筆五年期寶刀聞聲皆落膽徧地唱同袍

哭黃琴塢丈

國史編名宦流傳定幾人德輝垂不朽善氣藹相親關隴
頻騷動壘圻失拊循甚期凋瘵後其見太平民幕府辭巴
蜀旌麾建鳳邠一心追盛漢三法去苛秦詎礙馮唐老能
齊李固仁稻田旋旅雁鹽澤息窮鱗自古人惟舊於茲政
有新救荒珍比穀居上賤論薪晚試經綸手難抽簪紱身
鬱成憂國病眾信守官貧兵阻家何在年衰志弗伸黔山
歸是夢湘水滯爲鄰次第謀生聚殷勤話苦辛唵明知婦
孺薰被到僚賓治行空前輩神交異等倫但祈寬歲月未
患滿煙塵太息喪輿返何如祖帳陳甘棠念遺愛吾筆亦

貞岷

畢弁山尙書遺像

走昔簪毫侍木天曾從

制誥見鴻篇五年過問終

南館萬樹荒寒鄧尉阡北極星辰追步履西來河渭滿烽
煙不須定畫麒麟閣文采風流孰後先

壁間小山琴丈所贈丈曾請老余亦乞養皆未蒙允

追憶成詠

塵飛塞天霧蒸海車馳馬驟古長安豈無洞天賦招隱太
華翠氣連終南薜蘿久製棄巾篋嗟我與世同衣冠栽桑
食葉不食甚葉稀絲盡成死蠶昔賢俳優弄卿相視居廊

廟猶邱壑胸中崢嶸疊萬仞遊戲日月簿領閒歲星在旁
帝弗識何論俗眼白相看八荒九紘一網罟見張虛弓鳥
怯彈偶然繪像到麟閣炊梁在甑夢邯鄲莊周得趣濠梁
上曾試作吏心詎頑癯儒骨相本枯槁上車不落殊強顏
當年老翁身無恙追取淮南贈小山置冰去蠅不受污炎
曦當暑生虛寒仙人所居名方丈我屋褊小乾坤寬翁今
與筆俱埋塚神遊五嶽驂鳳鸞人間崕嶮更卑惡自謂奇
境邀躋攀有山可逃焚亦得顧以母在謀旨甘支頤拄笏
聒寂寂生前勞去聲苦盟未寒

送霞仙中丞歸

印綬垂於身纍纍木病癭莊與蝶周旋烏論夢久頃緣顛
枝攀猱躍窪淖陷暵守靜理物情喜躁關性秉風塵事折
腰余亦羈簿領曠懷彭澤廬不必外人境冥心苟無得萬
里方寸窘忘形到天倪世累雜蟲等出混同隊魚退自喉
茹鯁蹠足逐虛名何異風捕影嘗請挂其冠 君恩未

許屏守官逾二載循過屢三省壁立千仞高太華與接引
上躋欲墮石旁睨無底窅終慚指臂弱深泉汲短綆有人
夢登天君獨虧掘井西羌失控御嚙噬恣狙獷固知勇孫
曹不如懶張邴鼻端猶聖漫懷斤告去郢勢如突未黔釜
薪摧向盡往失黃潁川

琴鳴觀

察九原抱悲哽割膜望金龜棄

我成終耆朝濟雨崇朝眾跂南山頸蒼蔚使蔽林金天杳
晶固死生俄契濶上下空馳騁冰炭置中腸沃熱甘就冷
大海漂羣流土偶勝桃梗才容廊廟多趣未江湖永置身
豈無所囊笠載苓簪異時蓬門返巾帶不須整

霞仙中丞寄次商州道中詩

丹水留題壁飄然南去人山分秦楚勢吏失漢唐循起滅
浮雲改低徊落日親懸知攀轍苦道路盡霑巾

鷓鴣

有來自南黃雀眼尖喙卓錫劇愁胡草閒攫得死腐鼠傲
慢直視嚇鷓鴣往日雌雄交孔雀照日五色文采殊一朝

言不金卷一
失勢舞撲地放歸故邱毛羽疏嗟彼大癡此小黠得失翻
欲相賢愚盜人葦蔕芑風雨性貪尤類南山狐公然族黨
與獻媚朝三暮四徵羣狙蒼鷹尙解助獵兔枉自比周鶴
鶴徒將軍不收爾臂力漂搖著樹聲淒呼名曰鴟鴞注騷
雅昔遭周室欺幼孤元公但能勤吐握會見鳳皇來棲梧
瞻烏止屋忍須與西岐瑞應無時無

次李稚和觀察

義鈞

感興詩韻兼示曼叔

典盡宮袍對酒歌謫仙佳句敵陰何朔飢甘讓侏儒飽獨
愴流亡滿大河

投筆曾工敕勒詩青門瓜奈故侯何鳬肩火色終飛食正

值烽傳曳落河

偶然扣角發商歌
海內量才斗幾何
說劍莊生嘗慷慨
年來涸鮒貸監河

湘水南悲薤露歌
關中輓粟愧蕭何
驚波正賴同舟濟
東

望龍門扼濁河

首句謂
琴塢文

唱遍使君來暮歌
蒼生今若謝安何
頗思漢相征南日
五月炎蒸馬渡河

常憶淮南招隱歌
休官埽徑待羊何
五年留看關山月
萬仞邊城繞黑河

前韻答曼叔

關心僕駟小戎歌爭耐三交壯士何不信沙場秦地月至
今流照漢山河

傾聽牙門鼓吹歌櫜韃道左竚如何將攜參佐崆峒上未
報軍鋒次渭河

張藥農刺史藏王石谷夏山圖索題

我有驚谿埽秋色蒼籐高挂青峭壁滿堂蕭颯眾驚奇耕
煙散人昔所爲霜柯照水幽澗出不見陰森樹如織此卷
亦署前賢名昨者涼颼今燠日庾信文章老更成少陵詩
律細漸入淺深濃澹翠幾重陰晴向背變山容瀑流西瀉
已千丈突兀更聳東南峰肩樵尋斧久不到鬱蔥歲長周

秦松飛夢架壑避炎暑木末上開軒檻風磧崖隱靈曜一
雨生眾妙似結劉尹居微聞孫阮嘯毫顛欲掩趙家甥筆
法豈數王元照搜羅山水妙不廉主人重畫輕百鍊千章
萬燼許置我但願氣候恒曦炎

同梁頡臺侍御

景先

同年過灌園追懷王萇生刺史

義樟

劉琨方駕才名在

刺史少以文名同劉琨石

翼遂同官治

行良

胡文忠公論關中循吏以
刺史與翼任臣太守並稱

失馬塞翁殊落落猶龍老

予昔堂堂短橋流水荒今日古木寒鴉帶夕陽吏事其嗤
閩士拙未應悃幅表微長

寄方子穎觀察

鼎銘

子穎由樞曹備兵溫處出都前一日寄余書意若弗釋殆有去國之思歟

三公但坐論尾諾陪官膳何如揭堂廉疾苦窮檐見重內
望登仙騶僕動欣忭榛菅未盡薙受芸擬出佃橘柚異酸
甘世味要嘗徧所嗟蝨其閒爬搔指爪穿天廐昔前驅絡
轡爭延羨風塵委瘦骨顧影慙回眄君才信逾倍筆舌鼓
朝彥雲霄引羽毛應絃決中箭擲盧誤得梟遶牀尙迴旋
是非判昨今悲喜雜慶唁剡翔鳳皇池乳鷁翼南甸三郡
久兵荒海山資手奠君家內翰才

君兄鼎錄
官秦中

八觀其呵硯

宣仁方側席軾轍待徵傳譬如寶吳鼎例用璧馬先性貪
台蕩奇意慙舟車使書來秦嶺暮愴憶國門餞視我舊宮
袍酒痕漬銀齒

饋糧歎

千里饋糧有飢色塞河不滿使者責前車後車馬流血崆
峒險甚太行脊曾牒諸將迎汝前馳之驅之勉策鞭越程
三宿慘不見旌旗黯黯塵蔽天不見官兵乃見賊兵官兵
畏死汝安得生生無二三死八九走報大營逢使酒申訴
未終撞玉斗昔有蕭何今媿否士如飢謹職誰咎使者跟
陰歸上書 天子仁聖憐其愚事至艱艱要設法仍會

帥府籌輓輸此首繫頸眞區區且爲若曹忍須臾賊兵報
抵南山隅

潼關營次謁宮保尙書左公堄晤張聽菴吳子儁

觀

禮
雨觀察

才優治國兼治兵小兒走卒知姓名東南整頓半壁了天
柱更奠西維傾崧高降中及甫後氣聚衡嶽鍾英靈十年
耳熟今眼見突兀麒麟地上行玉關徑須尋尺論布指秦
川僅成寸我初不及十乘光剖蚌安得明珠獻崆峒賓佐
盡傑良姻婭使覲吳與張立談未竟賜紙筆許於二子參
短長東家軍旅有未學如訪疾苦聞之嘗舉頭忽見狼弧

直談笑從容期辦賊羽扇風流絕代無較揮如意君何如
撥悶

撥悶思遠遺觀時祇自悲竹梢疏箇箇聚實失離離君子
風從集寧軍對駕支古聞隨百鳥最盛鳳皇枝

清書無錫雪滄中書夜話達旦

一燈兩鬢照銀絲大異都門話雨時更漏易殘羊熟脾鼓
車久駕馬空皮元戎壁壘臨關迴諸將鞭梢渡渭遲十載
欣逢翻苦語請君試訪歲豐飢

王石谷贈湯潛菴仿王叔明蘿壁

石谷未歸鳥目眠何自意造鴻濛天太陰破黑元氣溼戲

言筆追黃鶴先黃鶴飛去蹊逕絕萬古廬山置眼前錯金
石勢峯顛掣屈鐵幹影煙修娟柔乾秋空木葉脫對之夜
夢迴吳舫鱗鬣起壑蛟龍纏篆籀上壁蟲鳥懸銀河有路
元不隔見者駭目驚崩泉石谷應是戀舊隱招與潛菴參
畫禪潛菴老猶挂朝簾正如惠莊暫周旋四山雲氣坐成
想棄擲蘿衣今幾年得因石谷遇黃鶴卧聽謾謾松風便
石壇水屋不改色山在江南何處邊

衙齋秋夜

雨葉繁深夜乘秋百感并謀官殊左計將母數歸程蘭蕙
靈均服薜蘿考叔羹雖爲秦收伯猶是魯諸生刻值三年

緩吹毛萬事輕鬢鬚垂漸皓志業困何成拊鳥驚蟲大飛
魚化虎騰翱翔高戰績出入略家聲遂使羊頭爛惟趨驥
尾榮青雲鷹直決白日鼠橫行無復同憂樂徒教較縮盈
私貲雄擁殖軍令在分明野罕留青處民藏欲白情未須
論殺賊先已悔徵兵貪讒勞相戒孤危浪獨撐覆巢終卵
破斬彘又句萌蹂躪新無警誅求甚有名敢辭牛酒犒願
勿雁糧爭迢遞聽傳柝森嚴想列營卧薪多嚙語枕石未
寒盟風信榆關緊霜華竹簾清請停由也瑟對閃退之藥
去燕家千里噉鴻夢五更沈沈掩眉鎖兀兀動心旌自笑
烏非鵲俄逢蟀換鴈解衣隨蝶往息火救蛾傾世網嗟今

密天刑苦我黥晨當問主將何日議西征

愁霖歎同雪滄作

王師如雨降以時雨不時止師踰期上天降罰示懲警厥咎正在百職司初猶飄絲灑郊甸漸大成綫纍纍糜赤烏繫足不敢出電火搏擊雷奔馳狂風簸蕩更甚雨八川竝決蛟龍移自初七月迄八月未有一日瞻晴曦昆陽之戰無此猛震瓦發屋須臾危高衙大署尙滲漏何論萬姓鋪茅茨賊奴淹殺亦不惡但愁徒甚殘黎飢高原列帳沉漂沒不爲鷺鷥爲鳬鷺津梁處處報越渡止息金鼓藏旂旗此時難守那易戰添竈滅竈皆未宜幕中從事坐束手了

無妙著閒觀棋我呼蒼穹方引罪君哀赤子爲歌詞君詞
激切我酸楚久官茲土知唵呶關中禍本始貪蠹盜賊益
以飢民爲後來溺職尙濡忍寒暑罔恤民怨咨五行恆陰
主陽弱人事感召天災隨側聞治兵準治吏大府踔厲有
指麾屯軍九旬非本意處女脫兔要審機潼河移節向灞
上黠黠墨色天淋漓隨車膏澤布優渥一切疴癢關肝脾
慨然帳下罷歌舞拄笏南山對支頤修君子戟且相待不
兒飛廉屏翳晝夜俱鞭笞

王煙客仿黃子久山水幅

吾聞婁江北虞山南前朝奉常誅茅巷餐光飲淥入肝肺

清氣翕納開煙嵐亦如井田供養富春渚神明未衰齊彭
聃興來游戲師造物粉本自出無青藍范緩倪迂盡斂手
抗行癡叟豈汝慚樂郊擁卷百城坐長林巨壑來庭參濡
毫涉想飛鳥上崩雲裂石摧穹嶼天風浩洶勢吹海空際
隱現山成三銀河匹練忽倒挂下方作雨龍吟潭東峰近
水響野碓西崦落照明禪龕危關側入磴道險幾家小聚
人語酣大宮小霍互包絡摺節戴笠疲登探一縑七尺擁
萬笏子久筆力容未堪奉常老向歸涇隱澹泊世緣百不
貪解衣槃礴弄狡獪想其意態殊狂憨同時潤甫輩驅鹿
追趁趨吳越禹跡恣搜探安用折腰低首供朝班西田樵

收足自放南渡衣冠誰解談迢迢青山我夢寐垂垂白髮
今羣羣乞恩許放武彝住待繪陶令歸乘藍

久雨道阻聽巷至白灞上

豐隆猛稱師黠黠變昏晝清濁混渭涇注雨成奔溜躊躇
攬轡意莫復周轍舊茫茫素漉路思君阻相就往來乘鴻
濛水光滿衣袖四蹏奮一躍稍緩馬不救呼酒濯亂愁問
天胡久漏職忝任軍輸牽輓效猿狖前行需泥多後載脫
輻又兒郎恣坐食陸沈目未覲試登樓櫓望何來車馬轡
公孤主變理枚卜愼除授八徵狂占恆三爻厲逢姤君摘
牆角花狼籍未堪顛

九日

九日官庖絕可憐，
新矛炊劍望寒煙。
幕中有椽談三語，
籬下無人送一肩。
黃菊爛開彭澤遠，
白鷗懶起曲江眠。
追陪欲奉桓司馬，
自往參軍少昔賢。

雨夜贈雪滄次韻

兼旬風雨罷參衙，
四壁蝸涎繡劍花。
水氣浮天低雁鶩，
秋光棲樹貼烏鴉。
瘡傷滿目留殘喘，
肉食何心侈建牙。
不寐沈思炎漢業，
未央宮闕萬人家。

帕首韉刀事壯游，
渭城相見暫淹留。
塵兵渭酒圍初合，
話舊湖山老未投。
想到天河傾盡夜，
寒添關塞變窮秋。
他時

戰伐論參佐韓愈功成第一流

雪滄同登西城樓以詩見示次元韻

長樂門開曉角愁談兵人老雪盈頭
咸京自昔興亡地渭水無情日夜流
莽蕩川原連戰壘艱難芻秣唱軍籌
玉關定遠今誰屬懷立西風縹緲樓

雪滄招同冰如廉訪灌園觀蠟梅雪滄詩先成余繼其韻

不見灌園叟齋猶署夢香春風來萼綠
明月照流黃金粟堆糖蟹珍珠壓蔗漿
同時餐秀色許縱老饕狂

坐對梁園彥天寒氣自溫離離星近水
冉冉夜初昏黃雪

眞如海孤山別有村不愁消蠟淚再與倒芳尊

聞鄰警

偷渡冰橋合乘虛鐵騎摧號通虞有道晉用楚之材蹇叔
謀能老申胥泣漫哀多言殊不幸風雪望燕臺

楊鐵臣寄壁窠大字同雪滄作

鐵臣使筆筆淬鐵萬古崢嶸天山雪見者慘慄毛髮寒誰
識其中裹熱血曹司潦倒各廿年簡書分馳快一瞥憶昔

先帝旌直臣風采聳秀鳳與麟挑燈起草錄封事

紙上肝膽盤輪囷馬平王九

少鶴銀臺

桂林蔣

霞所少京兆

作歌贈

汝欽角巾我傾大硯醉濡墨旁睨其側雜笑噴煙塵傾洞

莽迴首死者零落生老醜桓寬虛負鹽鐵才汲黯愴別國
門久夢登華嶽望蒲坂上有帝車戴北斗何時搖落眾星
辰鈞河挾洛入君手鍾王拓規模韋張汗奔走槁壤無由
達蔣侯郵筒恨不寄王九想初槃礴落筆時勢挾六合天
風馳批龍履虎事往矣萬籟忽寂賓鴻飛福民壽世鬱懷
抱一任殯俗呼狂癡問我此官何日罷母老不歸猿鶴罵
君先我返武彝山毫端更與心機化

題雪滄養雲小影

處懷霖雨心出帶煙霞韻施生貌得之青冥初破壘優游
在高空醞釀以方寸吹墨但如絲已濶萬里濶當其雷雨

屯亦向巖穴遯紛紜塵壒閒翻覆不可近懶龍今欠伸山
澤氣將運爲招雲中君呵壁天許問

十二月十九日雪滄偕同人過余歐齋展拜東湖蘇
文忠公像分韻得出字

歐齋祀蘇黃朔宦京朝日寒暑各舉觴辦香竝六一文章
俯千載道義相儷匹西來困軍書未遑薦芬苾連年守河
關萬帳吹簪篲臣甫痛未平迴紇恣其獮歐齋舊酒徒散
如霜後橘昨報狐履冰席幾魚羅畢修蛇歲將窮磨蝎世
所嫉緬惟坡老才天馬氣超軼文采騰八荒忠孝植其質
早及歐陽門晚共涪翁黜至今仰風義泰岱渺攀郅餘技

播詩文青藍朔自出我慕范滂傳母賢授纁帙方公制誥
年亦忝參樞密咸同元祐知淚向宣仁溼相公幾司馬容
我論得失救黯乘河陽賈誼辭宣室公乎鑒丹誠眾口聽
嘲謔去歲服弓衣偶駐岐陽驛醉過簽判祠題墨照渭漆
鬱森梅竹勢銳於劍脫鞋慨想湖山游流駛日月疾於公
絲不薄獲奉太倉筆西夏猶披猖中原未淪汨豈無范與
韓列陣備邊實尺箠驅羗戎萬馬任鞭撻方見捷書老
死甘外秩不然許量移或放歸種秫夜闌悲公告蒼願恐
難必古來蟣蝨臣忠信爲桔槔